



Maniitsoq, 18. januar 2010

Inatsisartut suleriaasiat § 36 immikkoortoq 1 naapertorlugu Naalakkersuisunut imaattumik apeqquteqarniarpunga.

Naalakkersuisunut apequtit:

- **Ukiunerani Kangerlussuarmi umimmanniarnermik ingerlatsisartut inuussutissarsitugalugu piniartut ukioq manna 300-iinnarnik pisassinneqarnerat sumit tunngaveqarpa?**
- **Umimmaat neqaannut amiinullu tamakkiisumik tunisassiorneq qanoq pilersaaruteqarfigineqarpa?**
- **Siunissami umimmanniarnerit imminut akilersinnaasumik kajungerineqartumillu ingerlanneqartalernissaannik Naalakkersuisut qanoq suliniuteqalersaarpat?**

Tunngavilersuut:

Ukiuni kingullerni Kangerlussuarmi umimmanniarnerit aallartinneqarmatali 1000-it angullugit pisassiisoqartarnera atuutilersimagaluarpoq, tamanna piniartunut ilaatigut imminut akilersinnaasumik ingerlatsisoqarnissaanik siunertaqarsimasoq ilisimavarput. Aammalu umimmaat amerlialaguttuinnarnerat nalimmassaaviginiarlugu taamatut amerlassusilinnik pisassiisoqartarsimavoq, maannali nalunngilarput umimmaat ukiuni kingullerni ikiliartunngivissut.

Ullumikkut 300-iinnarnik pisassiineq piniartut piniariarnissaminnut kajungerinninnerannut assut annikillisisimassasoq takorloorneqarsinnaavoq. Tassami qanoq annertutigisumik piniartunut iluanaarutaanissaa takujuminaammat.

Ullumikkut imaammat piniartut angalanertik, najugaqarnertik nammineq akilertarpaat. Maniitsumeersunullu tunngatillugu snescoterinut orsussamullu aningaasartuutit namminneq aamma isumagisarpaat. Taamaattumik isumaqarpunga misissorneqartariaqartoq piniartut peqatigalugit taamatut pisassiisarneq piniartut qanoq aningaasarsiornerannut sunniuteqarsimasarnerisq.

Ruth Heimann, Siumut